

"Službeni glasnik BiH", broj 70/09 od 07.09.2009. godine

---

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", broj 30/03, 42/03, 81/06, 76/07, 81/07, 94/07 i 24/08), člana 1. stav (1) tačka c) i člana 6. stav (2) Odluke o kriterijima za utvrđivanje novčane naknade za rad u upravnim odborima, nadzornim i drugim odborima i drugim radnim tijelima iz nadležnosti institucija Bosne i Hercegovine ("Službeni glasnik BiH", broj 19/09), a u vezi sa članom 46. Pravilnika o disciplinskoj odgovornosti državnih službenika u institucijama Bosne i Hercegovine ("Službeni glasnik BiH", broj 20/03), Vijeće ministara Bosne i Hercegovine, na 94. sjednici održanoj 16. jula 2009. godine, donijelo je

## **ODLUKU O UTVRĐIVANJU VISINE NOVČANE NAKNADE ZA RAD U DISCIPLINSKIM KOMISIJAMA AGENCIJE ZA DRŽAVNU SLUŽBU**

### **Član 1.**

#### **(Predmet Odluke)**

Ovom Odlukom utvrđuje se visina novčane naknade koja se isplaćuje za rad članovima disciplinskih komisija koje imenuje Agencija za državnu službu (u daljnjem tekstu: Agencija).

### **Član 2.**

#### **(Visina naknade)**

Članovi disciplinskih komisija iz člana 1. ove Odluke imaju pravo na novčanu naknadu, po predmetu i to:

- a) predsjednik komisije u iznosu od 300,00 KM,
- b) član komisije u iznosu od 200,00 KM i
- c) zapisničar komisije u iznosu od 100,00 KM

### **Član 3.**

#### **(Obim primjene)**

(1) Naknada iz člana 2. ove Odluke odnosi se na svaku pojedinačnu disciplinsku komisiju imenovanu nakon stupanja na snagu ove Odluke.

(2) Naknada za rad u disciplinskim komisijama Agencije do 31.12.2008. godine utvrđivat će se u skladu Odlukom o načinu formiranja stručnih komisija i drugih radnih tijela i utvrđivanju kriterija za novčane naknade licima angažovanim u komisijama i drugim radnim tijelima iz nadležnosti Vijeća ministara Bosne i Hercegovine ("Službeni glasnik BiH", broj 81/07).

### **Član 4.**

#### **(Prestanak važenja propisa)**

Stupanjem na snagu ove Odluke prestaje da važi Odluka o utvrđivanju visine novčane naknada za rad u disciplinskim komisijama Agencije za državnu službu, broj 752-05/03 od

30.10.2003.godine.

**Član 5.**  
**(Završne odredbe)**

Ova Odluka stupa na snagu danom donošenja i objavljuje se u "Službenom glasniku BiH".

VM broj 191/09  
16. jula 2009. godine  
Sarajevo

Predsjedavajući  
Vijeća ministara BiH  
Dr. Nikola Špirić, s. r.